

文山先生全集

開化圖書館

kaikwa library

開化圖書館

Wakuhwa Library

開化圖書館

Kaishua library

開化圖書館

Kaichua library

文山先生全集卷之十四

別集

指南後錄卷之一上

過零丁洋

苦遭逢起一經干戈落落四周星山河破碎風拋絮身
世飄搖雨打萍皇恐灘頭說皇恐零丁洋裏歎零丁人生
自古誰無死留取丹心照汗青

上巳日張元帥令李元帥過船請作書招諭張少保投
拜遂與之言我自救父母不得乃教人背父母可乎書
此詩遺之李不能強持詩以達張但稱好人好詩竟不
能逼



元夕

南海觀元夕茲遊古未曾人間大競渡水上小燒燈世事
爭強弱人情尚廢興孤臣腔血滿死不愧廬陵

懷趙清逸

匡海真何地驅來坐戰場家人半分合國事決存亡一死
不足道百憂何可當故人髯似戟起舞為君傷

二月六日海上大戰國事不濟孤臣天祥坐北舟

中向南慟哭為之詩曰

長平一坑四十萬秦人歡欣趙人怨大風揚沙水不流為
楚者樂為漢愁兵家勝負常不一紛紛干戈何時畢必有

天吏將明威不嗜殺人能一之我生之初尚無疾我生之
後遭陽九厥角稽首併二州正氣掃地山河羞身為大臣
義當死城下師盟愧牛耳間關歸國洗日光白麻重宣不
敢當出師三年勞且苦只尺長安不得覩非無媿虎士如
林一日不戈為人擒樓船千艘下天角兩雄相遭爭奮搏
古來何代無戰爭未有鋒蝟交滄溟遊兵日來復日徃相
持一月為鷓蚌南人志欲扶崑崙北人氣欲黃河吞一朝
天昏風雨惡炮火雷飛箭星落誰雌誰雄頃刻分流屍漂
血洋水渾昨朝南船滿厓海今朝只有北船在昨夜兩邊
桴鼓鳴今朝船船鼾睡聲北兵去家八千里椎牛醜酒人

人喜惟有孤臣雨淚垂冥冥不敢向人啼六龍杳靄知何
處大海茫茫隔煙霧我欲借劍斬佞臣黃金橫帶爲何人

又六噫

飈風起兮海水飛噫文武盡兮火德微噫鷹鷂相擊兮靡
所施噫鴻鵠欲舉兮將安歸噫權歌中流兮任所之噫獨
抱春秋兮莫我知噫

言志

九垓化爲魅億醜俘爲虜既不能變姓名卒於吳又不能
髡鉗奴於魯遠引不如四皓翁高蹈不如仲連父冥鴻墮
矰繳長鯨陷網罟鷄燕上下爭誰何螻蟻等閑相爾汝狼

藉山河歲云杪飄零海角春重暮百年落落生涯盡萬里
遥遥行役苦我生不辰逢百罹求仁得仁尚何語一死鴻
毛或泰山之輕之重安所處婦女低頭守巾幗男兒嚼齒
吞刀鋸殺身慷慨猶易免取義從容未輕許仁人志士所
植立橫絕地維屹天柱以身殉道不苟生道在光明照千
古素王不作春秋廢獸蹄鳥跡交中土閨位適在三七間
禮樂終當屬真主李陵衛律罪通天遺臭至今使人吐種
瓜東門不可得暴骨匈奴固其所平生讀書爲誰事臨難
何憂復何懼已矣夫易簣不必如魯參結纓猶當效子路

南海

文山全集
卷之十四
三
竭來南海上人死亂如麻腥浪拍心碎颺風吹鬢華一山
還一水無國又無家男子千年志吾生未有涯

有感

海闊龍深蟄山空鳥雜鳴花隨春共去雲與水俱行壯士
千年志征夫萬里程夜涼看星斗何處是攬槍

張元帥謂予國已亡矣殺身以忠誰復書之予謂
商非不亡夷齊自不食周粟人臣自盡其心豈論
書與不書張爲改容因成一詩

高人名若逸烈士死如歸智滅猶吞炭商亡正採薇豈因
徼後福其肯蹈危機萬古春秋義悠悠雙淚揮

登樓

茫茫地老與天荒如此男兒鐵石腸
七十日來浮海道三千里外望江鄉
高鴻尚覺心期闊蹇馬何堪腳跡長
獨自登樓時柱頰山川在眼淚浪浪

海上

天邊青鳥逝海上白鷗馴
王濟非癡叔陶潛豈醉人
得官須報國可隱即逃秦
身事益棺定挑燈看劍頻

贛州

滿城風雨送淒涼三四年前此戰場
遺老猶應愧蜂蟻故交已久化豺狼
江山不改人心在宇宙方來事會長
翠玉

樓前天亦泣南音半夜落滄浪

指南後錄卷之一下

出廣州第一宿

越王臺下路搔首歎萍蹤城古都招水山高易得風鼓聲
殘雨後塔影暮林中一椽連營火山同河不同

英德道中

海近山如沃杼深屋半蕪乾坤正風雨軒冕總泥途自歎
鳶肩薄誰憐鶴影孤少年狂不醒夜夜夢伊吾

晚渡

青山圍萬壘流落此何邦雲靜龍歸海風清馬渡江汲灘

供茗椀編竹當蓬窓一井沙頭月羈鴻共影雙

珊瑚吟

南方有珍禽鳴聲天下奇毛羽黑如漆兩臉凝瑠脂趙
佳公子籠檻以自隨童子重丁寧飲食必以時將獻上林
苑來巢萬年枝待之豈少恩不免加繫維珊瑚真珊瑚碎
琢良自悲中原寒氣深風土非所宜

和中甫端午韻不依次

黃茅古道外羸馬發南州有客嗤齊魯何人念楚囚歲年
付流水風雨滿滄洲手把菖蒲看黑頭非所求

又呈中齋

風雨羊腸道飄零萬死身牛兒朝共載木客夜爲隣瘦子
江南夢蘇郎海上貧悠悠看晚渡誰是濟川人

又

萬里論心晚相看慰亂離舟成俄已化璧碎尚無緇禾黍
西原夢川原落日悲斯文今已矣來世以爲期

竹間

倦來聊歇馬隨分此青山流水竹千箇清風沙一灣乾坤
醒醉裏身世有無間客路真希絕浮生半日閑

越王臺

登臨我向亂離來落落千年一越臺春事暗隨流水去潮

聲空逐暮天迴煙橫古道人行少月墮荒村鬼哭哀莫作
楚囚愁絕看舊家歌舞此啣盃

南華山

北行近千里迷復忘西東行行至南華忽忽如夢中佛化
知幾塵患乃與我同有形終歸滅不滅惟真空笑看曹溪
水門前坐松風

六祖禪師真身蓋數百年矣爲亂兵劫
其心肝乃知有患難佛不免况人乎

南安軍

梅花南北路風雨濕征衣出嶺誰同出歸鄉如不歸山河
千古在城郭一時非饑死真吾志夢中行採薇

黃金市

閉蓬絕粒始南州我過青山欲首丘
巡遠應無兒女態羨齊肯作稻粱謀
人間早見黃金市天上猶遲白玉樓
先子神遊今二紀夢中揮淚濺松楸

萬安縣

青山曲折水天平不是南征是北征
舉世更無巡遠死當年誰道甫申生
遙知嶺外相思處不見灘頭皇恐聲
傳語故園猿鶴好夢回江路月風清

泰和

書生曾擁碧油幢耻與群兒共豎降
漢節幾回登快閣楚囚今度過澄江
丹心不改君臣誼清淚難忘父母邦
惟有

鄉人知我瘦下帷絕粒坐蓬窓

蒼然亭

風打船頭繫夕陽亭前老子舊胡床青牛過去關山動白
鶴歸來城郭荒忠節風流落塵土英雄遺恨滿滄浪故園
水月應無恙江上新松幾許長

別里中諸友

青山重回首風雨暗啼猿楊柳溪頭釣梅花石上尊故人
無復見烈士尚誰言長有歸來夢衣冠滿故園

發吉州

巳卯六月初一日蒼然亭下楚囚立山河顛倒紛雨泣已

亥七夕此何夕煌煌斗牛劍光濕戈鋌彗雲雷電擊三百
餘年火爲德須臾風雨天地黑皇綱解紐地維折妾婦偷
生自爲賊英雄扼腕怒鬚赤貫日血忠死窮北首陽風流
落南國正氣未亡人未息青原萬丈光赫赫大江東去日
夜白

臨江軍

江岸今多嚙城居昔屢焚市人半傖父豎子亦將軍蛟哭
金洲雨猿啼玉觀雲周卽墳土上回首淚成痕

予始至南安卽絕粒爲告祖櫺文別諸友詩遣孫禮取
黃金市登岸馳歸約六月二日復命於吉城下予以心

事白諸幽明即瞑目長往含笑入地矣乃水盛風駛前
一日達廬陵孫禮期不至予且行忍死以待垂至豐城
忽有見孫禮於他舟乃悟竟不會往爲之痛哭流涕暮
始見主者取孫禮還舟明早遂送之豐城縣縱其自便
追之不可及矣予至是不食已八日若無事然私念死
廬陵不失爲首丘今使命不達委身荒江誰知之者盍
少湏臾以就義乎復飲食如初昔讀左傳申包胥哭秦
庭七日勺飲不入口亦不聞有它乃知饑蹙西山非一
朝之積也予嘗服腦子二兩不死絕食八日又不死竟
不曉其何如從者七人或逃或死或逐今僅存一人曰

劉宗楚囚之况宜哉

隆興府

半生幾度此登臨
流落而今雪滿簪
南浦不知春已晚
西山但覺日初陰
誰憐龜鶴千年語
空負鵬鴞萬里心
無限故人簾雨外
夜深如有廣陵音

湖口

江湖一都會
宇宙幾興亡
走馬蘆林外
買魚茅舍傍
南人撐快槳
北客坐危檣
江水交岷水
東流日夜長

安慶府

風雨宜城路
重來白髮新
長江還有險
中國自無人
梟鏡

蕃遺育鱣鯨螫怒鱗泊船休上岸不忍見遺民

池州

五老湖光遠九華山色昏南冠前進士北部故將軍芳草
江頭路斜陽郭外村匆匆十年夢故國黯銷魂

魯港

方誇金塢築豈料玉床搖國躰真三代江流舊六朝鞭投
能幾日瓦解不崇朝千古燕山恨西風捲怒潮

采石

不上峩眉二十歲重來爲墮山河淚今人不見虞允文古
人曾有樊若水長江闊處平如驛况此介然衣帶窄欲從

文山全集
卷之十四
九
謫仙捉月去安得然犀照神物

建康

金陵古會府南渡舊陪京山勢猶盤礴江流已變更健兒
徙幽土新鬼哭臺城一片清溪月偏於客有情

金陵驛

草合離宮轉夕暉孤雲飄泊復何依山河風景元無異城
郭人民半已非滿地蘆花和我老舊家燕子傍誰飛從今
別却江南日化作啼鴉帶血歸

萬里金甌失壯圖衣顛倒落泥塗空流杜宇聲中血半
脫驪龍領下鬚老去秋風吹我惡夢回寒月照人孤千年

成敗俱塵土消得人間說丈夫

懷忠襄

平生王佐心世運蹢衰末齊虜誰復封楚囚詎當脫金陵
雖懷古尚友在風烈褒忠侈遺廟夫子我先達

早秋

隻影飄零天一涯千秋搖落欲何之朝看帶緩方憊瘦夜
怯衾單始覺衰眼裏游從驚死別夢中兒女慰生離六朝
無限江山在搔首斜陽獨立時

睡起

堂堂孤影起聞鷄風起高樓鼓角悲江海無情遊子倦歲

年如夢美人遲平生管鮑成何事千古夷齊在一時坐久
日斜庭木落浮雲滅沒漏朝曦

中秋

不教收骨瘡江邊驅向胡沙着去鞭舊奪宮袍空獨步新
食官飯飽孤眠客程恰與秋天半人影何如月倍圓猶是
江南佳麗地徘徊把酒看蒼天

南康軍和東坡酌江月

廬山依舊淒涼處無限江南風物空翠晴嵐浮汗漫還障
天東半壁鴈過孤峯猿歸老嶂風急波翻雪乾坤未歇地
靈尚有人傑堪嗟飄泊孤舟河傾斗落客夢催明發南浦

閒雲連草樹回首旌旗明滅三十年來十年一過空有星
星髮夜深愁聽胡笳吹徹寒月

和中齋韻 過吉作

功業飄零五丈原如今局促傍誰轅
悅首北去明妃淚啼血南飛望帝魂
骨肉凋殘唯我在形容變盡只聲存
江流千古英雄恨蘭作行舟柳作樊

再和

見說黃沙接五原飄零隻影向南轅
江山有恨銷人骨風雨無情斷客魂
淚似空花千點落鬢如碩果數根存
肉飛不起真堪歎江水爲籠海作樊

和友人

落落南冠過故都，近來我意亦忘吾。
騎來驛馬身如寄，遣去家書字亦無。
景伯未囚先立後，嵇康縱死不爲孤。
江南只有歸來夢，休問田園蕪不蕪。

驛中言別友人

水天空闊恨東風，不惜世間英物蜀。
烏吳花殘照裏忍，見荒城頽壁銅雀。
春情金人秋淚，此恨憑誰雪。
堂堂劍氣斗牛空，認竒傑那信江海。
餘生南行萬里，屬扁舟齊發。
正爲鷗盟留醉眼，細看濤生雲滅。
睨柱吞羸，回旗走懿，千古衝冠髮。
伴人無寐，秦淮應是孤月。

和

乾坤能大筭蛟龍元不是池中物風雨牢愁無着處那更
寒虫四壁橫梨題詩登樓作賦萬事空中雪江流如此方
來還有英雄堪笑一葉飄零重來淮水正涼風新發鏡裏
朱顏都變盡只有丹心難滅去去龍沙向江山回首青山
如髮故人應念杜鵑枝上殘月

懷中甫

時中甫以病留
金陵天慶觀

久要何落落末路重依依風雨連兵幕泥塗滿客衣人間
龍虎變天外燕鴻遠死矣煩公傳北方人是非

行宮

中齋日

十里宮牆一聚塵
天津晚過客愁新
花啼杜宇歸來血
樹掛蒼龍脫去鱗
福德儻存終有晉
秣陵未改已無秦
秋風禾黍空南北
見說銅駝會笑人

恠底秦淮一水長
幾多客淚洒斜陽
江流本是限南北
地氣何曾減帝王
臺沼漸荒基歷落
鶯花猶在意
婁涼青天畢竟有情
否舊月東來失女墻

廣齋謂柳和王昭儀
滿江紅韻惜未之見
爲賦一

闕中齋作

王母仙桃親曾醉
九重春色誰信道
鹿啣花去浪翻鰲
闕眉鎖嬌娥山宛轉
髻梳墮馬雲歌
側恨風沙吹透漢
宮衣

餘香歇○霓裳散庭花滅斜陽燕應難說想春深銅雀夢
殘啼血空有琵琶傳出塞更無環佩鳴歸月又爭知有客
夜悲歌壺敲缺

和王夫人滿江紅韻以庶幾后山妾薄命之意

燕子樓中又捱過幾番秋色相思處青年如夢乘鸞仙關
肌玉暗銷衣帶緩淚珠斜透花鈿側最無端蕉影上窓紗
青燈歇○曲池合高臺滅人間事何堪說向南陽阡上滿
襟清血世態便如翻覆兩妾身元是分明月笑樂昌一段
好風流菱花缺

代王夫人作

試問琵琶胡沙外，怎生風色最苦。是姚黃一朶移根仙闕。
王母懽闌瑤宴罷，仙人淚滿金盤側。聽行宮半夜雨淋鈴。
聲聲歇。○彩雲散香塵滅，銅駝恨那堪說。想男女慷慨嚼
穿銀血。回首昭陽離落日，傷心銅雀迎新月。算妾身不願
似天家金甌缺。

王夫人詞

太液芙蓉全不是，舊時顏色。嘗記得恩承雨露，玉堦金闕。
名播蘭簪妃后，裏暈潮蓮臉。君王側，忽一朝，鼙鼓揭天來。
繁華歇。○龍虎散風雲滅，今古恨憑誰說。顧山河百二淚
流襟血。驛館夜驚塵土，夢宮車曉轉關山月。若嫦娥於我

肯相容從圓缺

王夫人至燕題驛中云云
中原傳誦惜末句少商量

浪淘沙

中齋

踈雨洗天晴
枕簟涼生井梧一葉
做秋聲
誰念客身輕似
葉千里飄零
○夢斷古臺城
月淡潮平
便携酒訪新亭
不見當時王謝宅
煙草青青

東海集序

東海集者友人客海南以來詩也
海南詩而曰東海集者何魯仲連天下士友人之志也
友人自為舉子時已大肆力於詩於諸大家皆嘗登其門而涉其流其本瞻其養銳故所詣特深到余嘗評其詩渾涵有英氣鍛鍊如自然美

則美矣猶未免有意於爲詩也自喪亂後友人挈其家避地遊官嶺海而全家燬於盜孤窮流落困頓萬狀然後崖山除禮部侍郎中且權直學士矣會南風不競御舟漂散友人倉卒蹈海者再爲北軍所鈎致遂不獲死以至于今凡十數年間可驚可愕可悲可憤可痛可悶之事友人備嘗無所不至其慘戚感慨之氣結而不信皆於詩乎發之蓋至是動乎情性自不能不詩杜子美夔州柳子厚柳州以後文字也余與友人年相若又同里閭以斯文相好然平生落落不相及及居楚囚中而友人在行同患難者數月其自五羊至金陵所賦皆予目擊或相唱和時余坐金

陵驛無所作爲乃取友人諸詩筆之於書與相關者并附
爲後之覽者因詩以見吾二人之志其必有感慨於斯已
卯七月壬申文天祥叙

送行中齋三首

秋風晚正烈客衣早知寒把衣不能別更盡此日歡出門
一萬里風沙浩漫漫豈無兒女情爲君思汎瀾百年有時
盡千載無餘觀明明君臣義公獨爲其難願持卅一寸寫
入青琅玕會有撫卷人孤燈起長歎

神龍蕩失水馴擾終未得威鳳雖在藪肯顧鷄鶩食所以
古之人受變心不易毫鼎已遷周西山竟肌瘠豫子身自

漆長弘血成碧何嘗怨廢興而或二心跡堅白不在緇
裘良自惜此誼公素明俗見或未識

嗟予抱區區疇昔同里閨過從三十年知心不知面零落
忽重逢家亡市朝變惻惻蹈海餘踽踽南冠殿劇談泥塗
際握手鞍馬倦依依斯文意苦恨十年晚魯仲偶不逢隨
世本非願靈胥目未抉端欲詣所見及茲萬里別一夕腸
百轉余生諒須臾孤感橫九縣庶幾太尉事萬一中丞傳
此冊爲指南後錄第一卷下第二卷起八月二十四日
發建康終歲除有感尚有零丁洋諸詩及後錄本在惠
州合隸爲一卷而所恨者指南前錄叙號存而詩已不

完侍卽弟姑據所存本使不泯於世一聯半句使天下
見之識其爲人卽吾死無憾矣况篇帙之多乎歲在庚
辰正月二十日文山履善甫書

指南後錄卷之二

予後錄詩以廣州至金陵爲第一卷今入淮以後爲
第二卷云

發建康

八月二十四日

賞心亭下路拍手唱吾歌樓外梁時塔城中秦氏河江山
如夢耳天地柰愁何回首清溪曲長江一鴈過

江行有感

二十五日

蒲萄肥汗馬荆棘冷銅駝巫峽朝雲濕洞庭秋水波窮愁
空突兀暗淚自滂沱莫恨吾生悞江東才俊多

真州驛

二十七日

山川如識我故舊更無人俯仰干戈跡往來車馬塵英雄
遺筭晚天地暗愁新北首燕山路淒涼夜向晨

望揚州

阮籍臨廣武杜甫登吹臺高情發慷慨前人後人哀江左
邁陽運銅駝化飛灰二十四橋月楚囚今日來

維揚驛

三年別淮水一夕宿揚州南極山川古北風江海秋昭君

愁出塞王粲怕登樓千載英雄淚如今况楚囚

過邵伯鎮

二十
八日

今朝車馬地昔日戰爭場我有揚州鶴誰存邵伯棠一灣
流水小數畝故城荒回首江南路青山斷夕陽

高郵懷舊

二十
九日

借問曾遊處高沙第幾山潛行鷹攫道直上虎當關一命
虛空裏三年瞬息間自憐今死晚何復望生還

發高郵

三十
日

初出高沙門輕舫送城樓一水何曲折百年此綢繆北望
渺無際飛鳥翔平疇寒蕪入荒落日薄行人愁行行行湖

曲萬頃涵清秋大風吹檣倒如盪彭蠡舟欲寄故鄉淚使
入長江流篙人爲我言此水通淮頭前與黃河合同作滄
海漚踟躕忽失意拭淚淚不收吳會日已遠回首重悠悠
馳驅梁趙却壯士何離憂吾道久矣東陸沈古神州我今
戴南冠何異有北投不能裂肝腦直氣摩斗牛但願光岳
合休明復商周不使殊方魄終爲異物羞

寶應道中

天關搏南鴈淮途長北驅甘棠成傳舍細柳作康衢田海
隨時變山河徃日殊征袍共衮繡夜壁一燈孤

淮安軍

九月一日

楚州城門外白楊吹悲風
纍纍死人塚死向鋒鏑中
豈無匹婦寃定無萬夫雄
中原在其北登城望何窮

過淮河宿關石有感

北征垂半年依依只南土
今晨渡淮河始覺非故宇
江鄉已無家三年一羈旅
龍翔在何方乃我妻子所
昔也無柰何忽已置念慮
今行日已近使我淚如雨
我爲綱常謀有身不得顧
妻兮莫望夫子兮莫望父
天長與地久此恨極千古
來生業緣在骨肉當如故

發淮安

九月二日

九月初二日車馬發淮安
行行重行行天地何不寬
烟火

無一家荒草青漫漫恍如泛滄海身坐玻瓈盤時時逢北
人什伍扶征鞍云我戍江南當軍身屬官北人適吳楚所
憂地少寒江南有遊子風雪上燕山

小清口

初三日

乍見驚胡婦相嗟遇楚兵北來鴻鴈密南去駱駝輕芳草
中原路斜陽故國情明朝五十里錯做武陵行

桃源道中

初四日

漠漠地千里垂垂天四圍隔溪胡騎過傍草野鷄飛風露
吹青笠塵沙薄素衣吾家白雲下都伴北人歸

桃源縣

開 ka

清野百年久中原千里賒
火煙新聚落山水舊生涯
種麥十數畝誅茅千百家
我來行正倦何處覓桃花

崔鎮驛

萬里中原役北風
天正涼黃沙漫道路
蒼耳滿衣裳野闊
人声小日斜駒影長
解鞍身似夢遊子
意茫茫

發崔鎮

初五日

高鴈空秋興寒螿破曉眠
淡烟白似海野水碧於天
興廢嗟何及行藏信自然
南人乍騎馬北客半乘船

發宿遷縣

夜夢入星槎曉行隨斗柄
衣暖露自乾鬢寒冰欲凝
將軍

戴鐵笠壯士敲金鑿白眼睨青天我生不有命

中原

中原方萬里明日是重陽棄棗人家近蓬蒿客路長引弓
虛射鴈失馬爲尋羊見說今年旱青青麥又秧

望邳州

初六日

中原行幾日今日終見山問山在何處云在徐邳間邳州
山徐州水項籍不還韓信死龍爭虎鬪不肯止煙草漫漫
青萬里古來劉季號英雄樊崇至今已千歲

徐州道中

初七日

彭城古官道日中十馬馳咫尺不見人撲面黃塵飛白頭

漢王縞素師羨人燕罷項羽啼一時混戰四十萬天昏地
黑睢水涸乃知大風揚沙失白晝自是地利非天時漢王
倉皇問道西一兒一女喜其危太公呂后去不歸俎上寧
有生還時未央稱壽太上皇魏然女媧帝中闈終然富貴
自有命造物顛倒真小兒

彭城行

徐州彭
城縣

連山四圍合呂梁貫其中河南大都會故有項王宮晉牧
連揚豫虎視北方雄唐時燕子樓風流張建封西望睢陽
城只與汴水通大平黃樓賦尚能想遺風邇來百餘年正
朔歸江東遺民死欲盡莽然狐兔叢我從南方來停驂撫

遺蹤故河蓄潢潦荒城翳秋蓬
 淒涼戲馬臺憔悴巨佛峯
 滄海變桑田陵谷代不同
 朝為朱門貴暮作行旅窮
 乘除信物理感慨繫所逢
 古來賢達人一醉萬慮空
 如此獨巽何悲風逐征鴻

燕子樓

自別張公子嬋娟不下樓
 遂令樓上燕百歲稱風流
 我遊彭城門來吊楚王關
 問樓在何處城東草如雪
 蛾眉代不之埋沒安足論
 因何張家妾名與山川存
 自古皆有死忠義長不沒
 但傳美人心不說笑人色

戲馬臺

開
 ka

九月初九日客遊戲馬臺黃花弄朝露古人花飛埃今人
哀後人後人復今哀世事那可及淚落茱萸杯

發彭城

今朝正重九行人意遲遲回首戲馬臺野化發蕨蕤草埋
范增塚雲見樊噲旗時節正如此道路將何之我愛陶淵
明甲子題新詩白衣送酒來把菊卧東籬

沛歌

山東藤山沛縣初十日

秦世失其鹿豐沛發龍顏王侯與將相不出徐濟間當時
數公起四海王氣閉至今尚想見虹光照人寰我來千載
下吊古淚如潛白雲落荒草隱隱芒碭山黃河天下雄南

去不復還乃知盈虛故天道如循環盧王舊封地今日殺
函關

歌風臺

長陵有神氣萬歲光如虹有時風雪變魂魄來沛宮壯哉
游子鄉一覽萬宇空擊筑戒復隍帝業慎所終重瞳愛梁
父此情豈不同錦衣絢行畫丈夫何淺中緬懷首丘意自
足分雌雄尚惜霸心存慷慨懷勇功不見往來事烹狗與
藏弓早知致兩生禮樂三代隆匹夫事已往安用責乃翁
我來湯沐邑白楊吹悲風求言三侯章隱隱聞兒童葉落
皆歸根飄零獨秋蓬登臺共悽惻目之南飛鴻

固陵道中三首

九天雲下垂一雨作秋色塵埃化泥塗原野轉蕭瑟十里
一雙埃孤兔卧荆棘見說數年來中州乍蘇息

茅舍荒涼舊固陵漢王城對楚王城徐州煙火連豐沛天
下還來屋角爭

固陵城下兩龍爭不見齊王來會兵勒取河山新分地項
王之後到韓彭

發魚臺

十二

晨炊發魚臺碎雨飛擊面團團四野周冥冥萬象變疑是
江南山煙霧昏不見豈知此中原今古經百戰英雄化爲

土飛霧洒如甸天寒日欲短游子淚如霰

自歎

瑟瑟秋風悲烈烈寒氣驕蒲柳先已零松栢何後凋天意
重肅殺造物無不銷強弱有異稟憂患同一朝惟有南山
石千載一岿堯人苦不自足空羨王子喬

遠遊

黃河流活活太行高巍巍
山以東百 山以西鄒魯
盛文獻燕趙多雄姿右摩泰山碑左躡函谷泥郊鄆吊周
公曲阜拜宣尼或登廣武歎或上北邙悲平生幾兩履汗
漫以爲期絕交天下士要爲男子奇具會徧王業中原隴

遺黎安得與黃鶴比翼天上飛江河異風景擊楫感且歎
陽運邁百六興否俄推移棄田變滄海楚囚發孔悲我本
檻車客爲我解繫維青蠅附天驥萬里相追隨人生尚行
樂矧復新相知周道思下泉王風懷黍離富貴豈不願憂
患那自持人命危且淺忽若朝露晞長恐折我軸中道欲
差池去我父母邦我行且遲遲聽我遠遊曲寄我長相思

六歌

有妻有妻出糟糠自少結髮不下堂亂離中道逢虎狼鳳
飛翩翩失其凰將雛一二去何方豈料國破家亦亡不忍
舍君羅襦裳天長地久終茫茫牛女夜夜遙相望嗚呼一

歌兮歌正長悲風北來起徬徨

有妹有妹家流離良人去後携諸兒北風吹沙塞草淒窮
猿慘淡將安歸去年哭母南海湄三男一女同歔歔惟汝
不在割我肌汝家零落母不知母知豈有瞑目時嗚呼再
歌兮歌孔悲鶴鴒在原我何為

有女有女婉清揚大者學帖臨鍾王小者讀字声琅琅朔
風吹衣白日黃一雙白壁委道傍鴈兒啄啄秋無梁隨母
北首誰人將嗚呼三歌兮歌愈傷非為兒女淚淋浪

有子有子風骨殊釋氏抱送徐卿雛四月八日摩尼珠榴
花犀錢絡繹禱蘭湯百沸香似酥歛隨飛電飄泥塗汝兄

解

十二騎鯨魚汝今知在三歲無嗚呼四歌兮歌以吁燈前
老我明月孤

有妾有妾今何如大者手將玉蟾蜍次者親抱汗血駒晨
粧靚服臨西湖英英鴈落飄瑤瑤風花飛墜鳥嗚呼金莖
沉瀣浮汙渠天摧地裂龍鳳俎美人塵土何代無嗚呼五
歌兮歌鬱紆爲尔逆風立斯須

我生我生何不辰孤根不識桃李春
天寒日短重愁人北風隨我鉄馬塵
初憐骨肉鍾竒禍而今骨肉相憐我
汝在北兮嬰我懷我死誰當收我骸
人生百年何醜好黃梁得喪俱草草
嗚呼六歌兮勿復道出門一笑天地老

發潭口

十三日

吹面北風來拂鬢堅冰至軒冕委道途衣繡易氈毳百年
雜醜好始酌四方志浩歌激浮雲亭亭復攬轡羲馭幾曾
停誰當掃幽翳

新濟州

借問新濟州徐鄆兄弟國昔為大河南今為大河北垂雲
陰萬里平原望不極百草盡枯死黃花自秋色時時見棄
樹青青雜阡陌路上無人行煙火渺蕭瑟車轍分縱橫過
者臨岐泣積潦派交衢霜蹄破叢棘江南寒未深銅爐歎
花赤為知行路人鐵令衣裳濕

汶陽道中

東平路汶陽
縣十四日

積雨不肯霽行陸如涉川青氈纒我後白氈覆我前我欲
正衣冠兩手如糾纏飛沫流被面代我泣涕漣鴻鴈紛南
翔遊子北入燕平楚渺四極雪風迷遠天昔聞濟上軍又
說汶陽田我今履其地吊古愴蒼煙男兒欲了事長虹射
寒泉

汶陽館

去歲營船隩今朝館汶陽海空沙漠漠河廣草茫茫家國
哀千古男兒慨四方老愧秋雨暗孤影照淋浪

自汶陽至鄆

日十五

五山全集
入卷之五
三
渺渺中原道勞生歎百非風雨吹打人泥淨飛上衣目力
去天短心事與時違夫子昔相魯侵疆自齊歸

來平館

憔悴江南客蕭條古鄆州雨聲連五日月色徹中流萬里
山河夢千年宇宙愁欲鞭劉豫骨煙草暗荒丘

發鄆州喜晴

烈風西北來萬竅號高秋宿雲蔽層空浮潦迷中州行人
苦沮洳道阻路且脩派澌被鞍鞢飛沫綴衣裘昏鴉接翅
落原野慘以愁城郭何蕭條閉戶寒飈颺中宵月色滿餘
光散衾裯余子戒明發飛霧靄郊丘微見扶桑紅隱隱如

沉浮身遊大荒野海氣吹蜃樓須臾劃當空六合開沉幽
千年厭頽色蒼翠光欲流大陽經天行大化不暫留輝光
何曾滅掩霽終當收嚴霜下豐草長歌夜悠悠明日東阿
道方軌驟驛騶

發東阿十七

東原深處所時或見人煙秋雨葉麻地春風桃李天貪程
頻問堠快馬緩加鞭多少飛檣過噫吁是北船

宿高唐州

博州

早發東阿縣暮宿高唐州哲人達幾微志士懷隱憂山河
已歷歷天地空悠悠孤館一夜宿北風吹白頭

平原十八

平原太守顏真卿長安天子不知名一朝漁陽動鼙鼓大河以北無堅城公家兄弟奮戈起一十七郡連夏盟賊聞失色分兵還不敢長驅入咸京明皇父子將西狩由是靈武起義兵唐家再造李郭力若論牽制公威靈哀哉常山慘鈞舌心歸朝廷氣不懾崎嶇坎坷不得志出入四朝老忠節當年幸脫安祿山白首竟陷李希烈希烈安能遽殺公宰相盧杞欺日月亂臣賊子歸何處茫茫煙草中原土公死于今六百年忠精赫赫雷行天

發陵州

中原似滄海萬頃與雲連
明朝東出皎月正在天
遠樹亂如點
業麻鬱蒼煙一鴈入
高空千鴉落平田
我行天地中如蟻磨
上旋雨痕留故衣
霜氣襲重纜健馬嘶
北風潛魚樂深淵
噫哉南方人回首空自憐

獻州道中

三年戎服行五嶺
文王會躋攀上崖
登厲揭涉瀟瀨十步
九崎嶇山水何破碎
坐令管仲小自覺
伯夷隘乃今來中
州萬里如一槩
四望登原隰
業麻蔚旆旆
騁騶出清朝
過都真歷塊
歷歷古戰場
俯仰生感慨
吾常涉重湖
東海際南海
茲遊冠平生
天宇更宏大
心與太虛際
目空九圍內

文山全集 卷之十四 三十一
男兒不出居婦人坐帷蓋反身以自觀須彌納一芥以此
處死生超然萬形內

潭沱河二首

過了長江與大河橫流數仞絕潭沱蕭王麥飯曾倉卒回
首中天感慨多

風沙睢水終亡楚草木公山竟感秦始信潭沱冰合事世
間興廢不由人

河間

夜宿河間恰家則翁寓焉因成三絕

空有丹心貫碧霄泮冰亡國不崇朝小臣萬死無遺愧曾

見天家十八朝

南歸鴈蕩報郎君老子精神健十分不爲瀛洲復相見阿
戎翻隄萬山雲

江南車盖走燕山老子旁觀袖手間見說新詩題甲子桃
源元只在人間

保州道中二十一日

昨日渡漳沱今日望太行白雲何渺渺天地何茫茫落葉
混西風黃塵昏夕陽牛車過不住羶屋行相望小兒騎蹇
驢壯士駕乘黃高低葉萬頃黑白草千行村落有古風人
間無時粧宋遼舊分界燕趙古戰場蚩尤亂涿野共工謫

幽邦郭隗致樂毅荆軻舞陽臧廬互反覆安史迭披猖
 山川一今古人物幾興亡江南佔畢生往來習羊腸天馬
 戴青蠅電秣馳康莊適從何有來如此醉夢鄉感時意踈
 蹶惜往淚淋浪厲階起玉環左計由石郎天地行日月萬
 代乘景光晝夜果可廢春秋誠荒唐吾生直須臾俯仰際
 八荒來者不可見遠遊賦彷徨

保涿州三詩

趙太祖墓 在保州 二十九
日起三十日到

我行保州塞御河直其東山川猶有靈佳氣何鬱葱顧我
 巾車因厲氣轉秋蓬辦香欲往拜惆悵臨長空

保
 以

樓乘

故宅近涿縣三十里

我過梁門城樓乘在其北元德已千年青煙透故宅道傍
爲揮淚徘徊秋風客天下卧龍人多少空抱膝

涿鹿

我瞻涿鹿野古來戰蚩尤軒轅此立極玉帛朝諸侯歷歷
關河鴈隨風鳴寒秋邇來三千年王氣行幽州

過梁門

一一金甌在雙雙鎮壁全土花開舊國風絮渡江船南北
分新統江淮號極邊更和天塹失回首慘啼鵲

白溝河

昔時張叔夜統兵赴勤王東都一不守羸馬遷龍荒適過
白溝河裂毗鬚欲張絕粒不遺死仰天扼其吭群臣總奄
奄一土垂天光讀史識其地撫卷爲淒涼我生何不辰異
世忽相均皇圖蓬陽九天塹蒲飛堍引兵詣開下捧土障
瀾狂出使義不屈持節還中郎六飛獨南海金鉞將煌煌
武侯空威心出侍驚四方吾屬竟爲虜世事吁彼蒼思公
有奇節一死何慨慷江淮我分地我欲投滄浪滄浪却不
受中原行路長初登項籍宮次覽劉季邦涉足河與濟回
首嵩與恒下車撫梁門上馬指樓棄戴星渡一水慘淡天
微茫行人爲我言宋遼此分疆懸知公死處爲公出涕滂

恨不持東芻徘徊官道傍我死還在燕烈烈同肝腸今我
爲公哀後來誰我傷天地垂日月斯人未云亡文武道不
墜我輩終堂堂

懷孔明

斜谷事不濟將星殞營中至今出師表讀之淚沾曾漢賊
明大義赤心貫蒼穹世以成敗論操懿真英雄

劉琨

中原蕩分崩壯哉劉越石連踪起幽并隻手扶晉室福華
天意乖匹礪生鬼域公死百世名天下分南北

祖逖

平生祖豫州白首起大事東門長嘯兒爲遜一頭地何哉
戴若思中道奮螳臂豪傑事垂成今古爲短氣

顏杲卿

常山義旗奮范陽哽疾咽明雖一狼狽六飛入西川哥舒
降且拜公舌膏戈鋌人世誰不死公死千萬年

許遠

起師哭玄元義氣震天地百戰奮雄姿鬻妾士揮淚睢陽
水東流雙廟垂百世當時令狐潮乃爲賊遊說

過雪橋琉璃橋

小橋度雪度琉璃更有清霜滑馬蹄遊子衣裳如鐵冷殘

星荒店野鷄啼

一作亂鳴鷄

指南後錄卷之三

予指南後錄第一卷起正月十二日賦零丁洋第二卷起八月二十四日發建康今第三卷蓋自庚辰元日為始文山履善甫序

五月二日生朝

北風吹滿楚冠塵笑捧蟠桃夢裏春幾歲已無籠鶴客去年猶有送羊人江山如許非吾土宇宙奈何多此身不滅不生何許靜中聊且養吾真

胡笳曲

庚辰中秋日水雲慰予囚所援琴作胡笳十八拍取
予疾徐指法良可觀也琴罷索予賦胡笳詩而倉卒
中未能成就水雲別去是歲十月復來予因集老杜
句成拍與水雲共商畧之蓋囹圄中不能得死聊自
遣耳亦不必一一學琰語也水雲索予書之欲藏於
家故書以遺之浮休道人文山

風塵傾洞昏王室天地慘慘無顏色而今西北自反胡西
望千山萬山赤歎息人間萬事非被驅不異犬與鷄不知
明月爲誰好來歲如今歸未歸

右一拍

獨立縹緲之飛樓高視乾坤又可愁江風蕭蕭雲拂地笛
聲憤怒哀中流鄰鷄野哭如昨日昨日晚晴今日黑蒼皇
已就長途往欲往城南忘南北

右二拍

三年奔走空皮骨三年笛裏關山月中天月色好誰看豺
狼塞路人煙絕寒刮肌膚北風利牛馬毛零縮如蝟塞上
風雲接地陰咫尺但愁雷雨至

右三拍

黃河北岸海西軍翻身向天仰射雲胡馬長鳴不知數衣
冠南渡多崩奔山木慘慘天欲雨前有毒蛇後猛虎欲問

長安無使來終日戚戚忍羈旅

右四拍

北庭數有關中使飄飄遠自流沙至胡人高鼻動成群仍
唱胡歌飲都市中原無書歸不得道路只今多擁隔身欲
奮飛病在床時獨看雲淚沾臆

右五拍

胡人歸來血滿箭白馬將軍若雷電蠻夷雜種錯相于洛
陽宮殿燒焚盡干戈兵革闔未已魑魅魍魎徒爲爾慟哭
秋原何處村千村萬落生荆杞

右六拍

憶昔十五心尚孩，莫恠頻頻勸酒杯。孤城此日腸堪斷，如
何不飲令人哀。一去紫臺連朔漠，月出雲通雪山白。九度
附書歸洛陽，故國三年一消息。

右七拍

只今年纔十六七，風塵荏苒音書絕。胡騎長驅五六年，弊
裘何啻連百結。愁對寒雲雪滿山，愁看冀北是長安。此身
未知歸定處，漂泊西南天地間。

右八拍

午夜漏聲催曉箭，寒盡春生洛陽殿。漢主山河錦繡中，可
惜春光不相見。自胡之反持干戈，一生抱恨空咨嗟。我已

無家尋弟妹此身那得更無家南極一星朝北斗每依南
斗望京華

右九拍

今年臘月凍全消天涯涕淚一身遙諸將亦自軍中至行
人弓箭各在腰白馬嚼嚙黃金勒三尺角弓兩斛力胡鴈
翅濕高飛難一箭正墜雙飛翼

右十拍

冬至陽生春又來口雖吟咏心中哀長笛誰能亂愁思呼
兒且覆掌中杯雲白山青萬餘里壁立石城橫塞起元戎
小隊出郊垆天寒日暮山谷裏

右十一拍

洛陽一別四千里邊庭流血成海水自經喪亂少睡眠手
脚凍皴皮肉死反鑠衡門守環堵稚子無憂走風雨此時
與子空歸來喜得與子長夜語

右十二拍

大兒九齡色清徹驛驕作駒已汗血小兒五歲氣食牛水
壺玉鑑懸清秋罷琴惆悵月照席人生有情淚沾臆離別
不堪無限意更爲後會知何地酒肉如山又一時只今未
絕已先悲

右十三拍

北歸秦川多鼓鞶永生隴畝無東西三步回頭五步坐誰
家搗練風淒淒已近苦寒月慘慘中腸悲自恐二男兒不
得相追隨去留俱失意徘徊感生離十年踟躕將雜遠目
極傷神誰爲携此別還須各努力無使霜露沾人衣

右十四拍

寒雨颯颯枯樹濕坐卧只多少行立青春欲暮急還鄉非
關使者徵求急欲別上馬身無力去住彼此無消息關塞
蕭條行路難行路難行澁如棘男兒性命絕可憐十日不
一見顏色

右十五拍

乃知貧賤別更苦况我飄轉無定所心懷百憂復千慮世
人那得知其故嬌兒不離膝哀哉兩决絕也復可憐人里
巷盡嗚咽斷腸分手各風煙中間消息兩茫然自斷此生
休問天看射猛虎終殘年

右十六拍

江頭宮殿鎖千門千家今有百家存面粧首飾雜啼痕教
我歎恨傷精魂自有兩兒卽忽在天一方胡塵暗天道路
長安得送我置汝傍

右十七拍

事殊興極憂思集足蘭荒山轉愁疾漢家山東二百州青

是烽煙白人骨入門依舊四壁空一斛舊水箴蛟龍年過
半百不稱意此曲哀怨何時終

右十八拍

上巳

予自丙子上巳日真州屏之城門外于今憂患通六
年俯仰時節爲之慨然

昔自長淮樹去帆今從燕薊眺東南泥沙一命九分九風
雨六年三月三地下故人那可作天涯遊子竟何堪便從
餓死傷遲暮面對西山已發慚

寒食

開

予不登丘隴拜清明寒食八年矣癸酉湖南甲戌乙亥章貢丙子淮東丁丑梅州戊寅麗江浦庚辰燕山獄中今辛巳猶未得死和上巳韻寫懷

苦海周遭斷去帆東風吹淚向天南龍蛇澤裏清明五燕雀籠中寒食三撲面風沙驚我在滿襟霜露痛誰堪何當歸骨先人墓千古不爲丘首慚

覽鏡見鬚髯消落爲之流涕

萬里飄零等一毫滿前風景恨滔滔淚如杜宇啖中血鬚似蘇卽節上旄今日形骸遲一死向來事業竟徒勞青山是我安魂處清夢時時賦大刀

讀赤壁賦前後二首

昔年仙子謫黃州赤壁磯頭汗漫遊
今古興亡真過影乾坤俯仰一壺舟
人間憂患何曾少天上風流更有不我亦
洞簫吹一曲不知身世是蜉蝣

一笑滄波浩浩流隻鷄斗酒更扁舟
八龍寫作詩中案孤鶴來爲臺裏遊
揚柳遠煙連北府蒼花新月對南樓
玉仙來徃清風夜還識江山似舊不

自歎

門揜牢愁白日過不應老子坐婆娑
雖生得似無生好欲死其如不死何
王蠋高風直可挹魯連大節豈容磨
東流

不盡銅駝恨四海悠悠總一波

端午初度

死所初何怨生朝只自知頗懷常杖意忍誦蓼莪詩浮世
百年夢高人千載期楚囚一杯水勝似九霞巵
向來松下鶴今日傍誰門夢見瑤池沸愁看玉壘昏所思
多死所焉用獨生存可惜菖蒲老風煙滿故園

端午卽事

五月五日午贈我一枝艾故人不可見新知萬里外丹心
照夙昔鬢髮日已改我欲從靈均三湘隔遼海

自述二首

當年嚼血灑銅駝風氣悠悠奈若何漢賊已成千古恨楚
囚不覺二年過古今咸道天驕子老去忽如春夢婆試把
睢陽雙廟看只今事業愧蹉跎

江南啼血送殘春漂泊風沙萬里身漢末固應多死士周
餘乃止一遺民乍看鬚少疑非我只要心存尚是人坐擁
牢愁書眼倦土床伸脚任吾真

五月十七夜大雨歌

去年五月望流水滿一房今年後三夕大雨復沒床我辭
江海來中原路茫茫舟楫不復見車馬馳康莊矧居園土
中得水猶得漿忽如巨石浸倉卒殊徬徨明星尚未啓大

風方發狂叫呼人不應宛轉水中央壁下有水穴群鼠走
踉蹌或如魚潑刺墊溺無所藏周身莫如物患至不得防
業爲世間人何處逃禍殃朝來關溝道宛如决陂塘盡室
泥濘塗化爲糜爛場炎蒸迫其上臭腐薰其傍惡氣所侵
薄疫癘何可當楚囚欲何之寢食此一方

坐

待仆且僵乾坤莽空闊何爲此凉凉達人識義命此事關
綱常萬物方焦枯皇皇禱穹蒼上帝實好生夜半下龍章
但願天下人家足稻梁我命渾小事我死庸何傷

先太師忌日

二月二十八日

萬里先人忌呼號痛不天遺孤餘二紀曠祀忽三年永恨

丘園隔遙憐弟妹圓義方如昨日地下想興然

築房子歌

自予居狴犴一室以自治二年二大兩地汗實成池圍人
爲我惻畚土以築之築之可二尺宛然水中坻初運朽壤
來臭穢恨莫追掩鼻不可近牛皂鷄子埒須臾傳黑墳千
杵鳴參差但見如坻平糞土不復疑乃知天下事不在論
鎡基苟可掩耳目臭腐誇神奇世人所不辨羊質而虎皮
大者莫不然小者又何知深居守我玄默觀道推移何時
蟬蛻去忽與濁世違

有感

已矣勿復道安之如自然閑陪黃妳坐倦退白衣眠一死
知何地此生休問天惟哉茨野客宿果墮幽燕

正氣歌

予囚北庭坐一土室室廣八尺深可四尋單扉低小
白間短窄汗下而幽暗當此夏日諸氣萃然雨潦四
集浮動床几時則為水氣塗泥半朝蒸漚歷瀾時則
為土氣乍晴暴熱風道四塞時則為日氣簷陰薪疑
助長炎虐時則為火氣倉腐寄頓陳陳逼人時則為
米氣駢肩雜遝腥臊汗垢時則為人氣或圍溷
疑或腐鼠惡氣雜出時則為穢氣疊是數氣當

鮮不爲厲而予以孱弱俯仰其間于茲二年矣

是殆有養致然然爾亦安知所養何哉孟子曰吾善
養吾浩然之氣彼氣有七吾氣有一以一敵七吾何
患焉况浩然者乃天地之正氣也作正氣歌一首

天地有正氣雜然賦流形下則爲河嶽上則爲日星於人
曰浩然沛乎塞蒼冥皇路當清夷含和吐明庭時窮節乃
見一一垂丹青在齊太史簡在晉董狐筆在秦張良椎在
漢蘇武節爲嚴將軍頭爲嵇侍中血爲張睢陽齒爲顏常
山舌或爲遼東帽清操厲冰雪或爲出師表鬼神泣壯烈
或爲渡江楫慷慨吞胡羯或爲擊賊笏逆豎頭破裂是隨

所旁薄凜烈萬古存當其貫日月生死安足論地維賴以
立天柱賴以尊三綱實係命道義爲之根嗟予邁陽九隸
也實不力楚囚纓其冠傳車送窮北鼎鑊甘如飴求之不
可得陰房閭鬼火春院闕天黑牛驥同一皂鷄棲鳳凰食
一朝濛霧露分作溝中瘠如此再寒暑百沴自辟易嗟哉
沮洳場爲我安樂國豈有他繆巧陰陽不能賊顧此耿耿
在仰視浮雲白悠悠我心悲蒼天曷有極哲人日已遠典
刑在夙昔風簷展書讀古道照顏色

七月二日大雨歌

燕山五六月氣候苦不常積陰絲五旬畏景淡無光天漏

比西極地温等南方今何苦常雨昔何苦常暘七月二日
夜天工爲誰忙浮雲黑如墨飄風怒如狂滂沱至夜半天
地爲低昂勢如蛟龍出平陸俄懷襄初疑倒巫峽又似翻
瀟湘千門各已閉仰視天茫茫但聞屋側聲人力無支當
嗟哉此園土占勝非高岡赭衣無容足南房并北房北房
水二尺聚立唯東箱桎梏猶自可凜然覆穹墻嘈嘈復雜
雜烝汗流成漿張目以待旦沈沈漏何長南冠者爲誰獨
居沮洳場此夕水弥滿浮動八尺床壁老如欲壓守者殊
皇皇我方斲鼻睡逍遙遊帝鄉百年一大夢所歷皆黃梁
死生已勘破身世如遺忘雄鷄叫東白漸聞語聲揚論言

善飄揚形勢猶倉黃起來立泥塗一笑褰衣裳遺書宛在
架吾道終未亡

詠懷

陰陽相烹然天地一金齋人生居其間便同肉在砧執猶
以火燎温猶以湯燖一歲一煨煉老形忽駸駸吾生四十
六弱質本不任矧當五六年患難長侵尋子卿燕羊節少
陵杜鵑心酷罰毒我膚深憂煩我襟嗟嗟夏涉秋天道何
其滯或時日杲杲或時雨淋淋方如坐蒸甑又似立烘煤
水火交相禪益熱與益深宛轉兒戲中日夜空呻吟何如
真鼎鑊殊我一寸金脫此寒暑殼誰能復嶮嶮

偶成

昨朝門前地寸裂今朝床下泥尺深人生世間一蒲柳豈
堪日炙復雨淋起來高歌離騷賦睡去細和梁父吟已矣
已矣尚何道猶有天地知吾心

移司郎事

自大雨後兵馬司墻壁頽落地皆沮洳因不可居七
月五日移司官籍監予以詰朝行詩以記之

燕山積雨泥塞道大屋欹傾小成倒楮衣棘下無顏色倉
卒移司避流潦行行桎梏如貫魚憐我龍鍾遲明早我來
二十有一月若書下下幾一考夢回恍惚入新衙不知傳

舍何時了寄書痴兒了家事九牛一毛亦云小天門皇皇
虎豹立下土孤臣泣雲表莫令赤子盡爲魚早願當空日
杲杲

不睡

頻搔白首強憂煎細雨青燈思欲顛南北東西三萬里古
今上下幾千年只因知事翻成惱未到放心那得眠眼不
識丁馬前卒隔床斲鼻正陶然

宮籍監

兵馬司移寓宮籍監予監一室頗瀟洒明窓淨壁樹
影橫斜可愛也賦五絕

塵滿南冠歲月深
雙移一室倚旃林
天憐元是青山客
分與窓根兩樹陰

壁間頗自有龍蛇
元是誰人小住家
不似爲囚似爲客
倚窓望斷暮天涯

曾過盧溝望塔尖
今朝塔影接虛簷
道人心事真方丈
靜坐日長雲滿簾

軍衙馬足起黃埃
門掩西風夢正回
自入燕關人世隔
階墻忽送市聲來

新來窓壁頗玲瓏
盡把前時臭腐空
好醜元來都是幻
蘆一付夢魂中

還司即事

兵馬司苦於地窄其東偏有大宅官買之以廣治所
舊廳事遂為空閑七月十一日因自宮籍監悉歸獄
舊廳事之西有一室處予其間其地高燥而空涼蕭
然獨往寂無來人又一境界也五言八句二首

幙燕方如寄屠羊勿復旋霜枝空獨立雪窖已三遷漂泊
知何所逍遙付自然庭空誰共語柱頰望青天

秋声滿南國一葉此飄蓬墻外千門迴庭皋四壁空誰家
驢吼月隔巷犬嗥風燈暗人無寐沉沉夜正中

夜起二絕

惆悵高歌入睡鄉
夢中魂魄尚飛揚
起來露立頻搔首
夜靜無風自在涼

三年獨立已成僧
欲與何人說葛藤
夜夜隔牆因叫佛
三生因果伴孤燈

還獄

予自宮籍監還兵馬司止予舊廳事西偏之室獄戶
既葺以八月七日復返故處向之所謂臭腐溫蒸依
然故在回視吾所披亦浩然而獨存作古風一首

人情感故物百年多
離憂棄下住三宿
應者猶遲留矧茲
方丈室屏居二春秋
夜眠與晝坐墮乎安
楚囚自惟大雨

水園土俱盪舟此身委傳舍迂徙無定謀去之已旬月宮
室重綢繆今夕果何夕復此搔白頭恍如流浪人一旦歸
舊遊故家不可復故國已成立對此重回首汪然涕泗流
人生如空花隨風任飄浮哲人貴知命樂天復何求

偶賦

蒼蒼已如此梁父共誰吟神有忠臣傳床無壯士金收心
歸寂滅隨性過光陰一笑西山晚門前秋雨深

讀杜詩

平生蹤跡只奔波偏是文章被折磨耳想杜鵑心事苦眼
看胡馬淚痕多千年夔峽有詩在一夜采江如酒何黃土

一立隨處是故鄉歸骨任蹉跎

感懷二首

文遊兵後似蓬飛流落天涯鵲繞枝唐室老臣唯我在柳
州先友託誰碑泥塗猶幸瞻佳士甘雨如何遇故知一死
一生情義重莫嫌收拾老牛屍

伏龍欲夾太陽飛獨柱擎天力弗支北海風沙漫漢節潯
溪烟胡暗唐碑書空已恨天時雨惜徃徒懷國士知抱膝
對人復何語紛紛坐冢卧爲屍

先兩國初忌

九月初七日

北風吹黃花落木寒蕭颼哀我慈母玉化炎海秋日月

水東流音容隔悠悠小祥哭下邳大祥哭幽州今此復何
夕荏苒三星周嗟哉不肖孤宗職曠不脩昔母肉未寒委
身墮冠讐仰藥早云遂庶從地下遊大阿落人手死生不
自由南冠坐絕域大期落淹流白華下玄髮碧蘚生緇裘
心口自相語形影旁無儔空庭鬼火闐天黑對牢愁魚軒
在何處魂魄今安否兒女各北歸墳墓委南陬寒食雨淒
淒孟飯誰與投荆棘纏蔓草狐兔緣荒丘長夜良寂寞與
我同幽幽我心亦勞止我命實不猶昨夕夢堂上樂昔歡
網繆覺來尚恍惚血涕連衾裯晨興一瓣香痛如螫在頭
吾家白雲下萬里同關憂遙憐弟與妹几進羅庶羞既傷

文山全集
卷之十四
母在殯又念兄在囚兄囚不足念母亦爲母謀三聖去已
遠穹垠莽洪流緬懷百世慮白骨甘填溝冥冥先大夫鬱
鬱蒼松楸防山迄合塋瞑目復何求

重陽

萬里飄零兩鬢蓬故鄉秋色老梧桐鴈棲新月江湖滿燕
別斜陽巷陌空落葉何心定流水黃花無主更西風乾坤
遺恨知多少前日龍山如夢中

又三絕

世事濛濛醉不知南山秋意滿東籬黃花何故無顏色應
爲元嘉以後詩

人間萬事轉頭空，皂帽飄蕭一病翁。
不學孟嘉往落魄，故將白髮向西風。
老來憂患易淒涼，說到悲秋更斷腸。
世事不堪逢九九，休言今日是重陽。

夜

秋光連夜色，萬里客淒淒。
落木空山杳，孤雲故國迷。
衾寒霜正下，燈晚月平西。
夢過重城夢，千門鷄亂啼。

雨雪

秋色金臺路，殷殷半馬蹄。
因風隨作雪，有雨便成泥。
過眼驚新夢，傷心憶舊題。
江雲愁萬疊，遺恨鷓鴣啼。

偶成二首

燈影沉沉夜氣清
朔風吹夢度江城
覺來知打明鐘未
忽聽隣家叫佛聲

烏兔東西不住天
平生奔走亦茫然
向來鞅掌真堪笑
爛熯如今獨自眠

得兒女消息

故國斜陽草自春
爭元作相總成塵
孔明已負金刀志
元亮猶憐典午身
骯髒到頭方是漢
娉婷更欲向何人
癡兒莫問今生計
還種來生未了因

爲或人賦

悠悠成敗百年中
笑看柯山局未終
金馬勝遊成舊雨
銅駝遺恨付西風
黑頭爾自誇江總
冷齒人能說褚公
龍首黃扉真一夢
夢回何面見江東

世事

世事孤鴻外
人生落日西
棋淫詩興薄
書倦夢魂迷
汨汨馳還坐
悠悠笑即啼
一真吾自得
開眼總筌蹄

新薦

斷鴈西江遠
無家寄萬金
乾坤風月老
沙漠歲年深
白日去如夢
青天知此心
素琴絃已絕
不絕是南音

小年

燕朔逢窮臘江南拜小年歲時生處樂身世死爲緣鴉噪
千山雪鴻飛萬里天出門意寥廓四顧但茫然

除夜

乾坤空落落歲月去堂堂末路驚風雨窮邊飽雪霜命隨
年欲盡身與世俱忘無復屠蘇夢桃燈夜未央

壬午

丙子上巳前二日予至真州今俯仰六周星矣撫時
念事爲之流涕聊寫我心質諸鬼神爾

憶昔三月朔歲在火鼠卿朝登迎盞鎮夜宿清邊堂于時
分威霧陽精黯無芒胡羯犯彤宮大戎升御床慘淡銅馳

泣威垂朱鳥翔我欲疏河嶽借助金與湯吾道率曠野繞
樹空徬徨慷慨撫鰲背艱關出羊腸扶日上天門隨雲拜
東皇祖逖誓興晉鄭畋義扶唐人謀豈云及天命不于常
泗水沉洛鼎蘇丘植汶篁瑤宮可敦后玉陛單于王革命
曠千古被髮縣入荒海流忽西注天旋俄右方嗟予俘爲
馘萬里勞梯航秋風上旣脫夜雪卧桁陽南冠鄭大夫北
窳蘇中卽龍蛇共窟穴蟻蝨連衣裳周旋洩渤間宛轉沮
洳場漠漠蒼天黑悠悠白日黃風埃湍沙漠歲月稔星霜
地下雙氣烈獄中孤憤長唯存葵藿心不改鐵石腸斷舌
奮常山袂齒厲睢陽此志已溝壑餘命終岩墻夷吾不可

作此連久云亡王衍勸石勒馮道朝德光末俗正靡靡橫
流已湯湯餘子不足言丈夫何可當出門仰天笑雲山浩
蒼蒼

生日

憶昔閑居日端二逢始生升堂拜親壽摠衣接賓榮載酒
出却去江花相送迎詩歌和盈軸鏗憂金石聲于時果何
時朝野方休明人生足自樂帝力無能名譬如江海魚與
水俱忘情詎知君父恩天地同生成鹿頭忽墮地氛霧迷
三精黃屋朔風捲園林殺氣平四海靡所騁三年老于行
宿僚半蕩覆妻子同飄零無幾哭慈母有頃遭潰兵東兵

獻穹帳囚首送空囿痛甚衣冠烈甘於鼎鑊亨死生久已
定寵辱安足驚不圖坐羅網四見槐雲青朱顏日復少玄
髮益以星徃事真蕉鹿浮名一草螢牢愁寫玄語初度感
騷經朝登蓬萊門暮步芙蓉城忽復臨故國搖搖我心旌
想見家下人念我涕爲傾交朋說疇昔惆悵鷄豚盟空花
從何來爲吾舞娉婷莫道無人歌時鳥不可聽達人貴知
命俗士空勞形吾生復安適拄頰觀蒼冥

端午

五月五日午薰風自南至試爲問大鈞舉杯三酌地田文
當日生屈原當日死生爲薜城君死作汨羅鬼高堂狐兔

遊雍門終悲涕人命草頭露榮華風過爾唯有烈士心不
隨水俱逝至今荆楚人江上年祭不知生者榮但知死
者貴勿謂死可憎勿謂生可喜萬物皆有盡不滅唯天理
百年如一日一日或千歲秋風汾水辭春暮蘭亭記莫作
留連悲高歌舞槐翠

自歎三首

猛思身世事四十七年無鶴髮俄然在鷲飛久已殂二兒
化成土六女掠爲奴只有南冠在何妨是丈夫
北轍更寒暑南冠幾悔冥家山時入夢妻子亦閑情惆悵
心如失崎嶇命復輕遭時命如此薄分笑三生

疾病連三次形容落九分幾成白宰相誰識故將軍暗坐
羞紅日開眠想白雪蒼蒼竟何意未肯喪斯文

病目二首

近來煩惱障左目忽茫茫聶政心雖碎劉伶醉未忘問天
天不應食日日何傷萬想由來假收拾太乙光
向來巖下電無故眩生花達磨面向壁盧仝 塌沙燈前
心欲碎鏡裏鬢空華何日看明月沈沈斗柄斜

有感

心在六虛外不知呀網羅病中長日過夢裏好時多夜夜
頻能坐時時亦自歌平生此光景回首笑呵呵

拾遺

早起

曉日半窓紅，鷄振翼雄餘子。貪慵睡佳人，理髮蓬未忘
塵俗。慮那免是非，攻前山。渾不見籠翠霧烟中。

贈許柏溪惟

長風吹飛藿，清劔吟野草。流光速代謝，興懷令人老。遊子
中夜起，悠悠酣且歌。明月委清照，江湖秋涉多。豈無臨淄
魚，亦有邯鄲酒。懷古招王孫，登高重回首。

文山先生全集卷之十四終

文山先生全集卷之十五

別集

吟嘯集

生朝

五月初二日

客中端二日風雨送牢愁
昨歲猶潘母今年更楚囚
田園荒吉水妻子老幽州
莫作長生祝吾心在首丘

西瓜吟

拔出金佩刀斫破蒼玉瓶
千點紅櫻桃一團黃水晶
下咽頓除烟火氣入齒便作冰雪聲
長安清富說邵平爭如漢朝作公卿

石三峯爲示十字云昔日乘龍貴今朝汗馬勞爲

足六句

雲低昏海日風急沸洪濤昔日乘龍貴今朝汗馬勞紈綺
汗塵土珠玉委蓬蒿若作凄然賦吾將僕命騷

蚤秋

寒魄澹玄河商飈慄明發羈人坐環堵壯士衣穿褐晉陵
誰復新秦陵尚云秣夫君百世心患不在饑渴

寄惠州弟

五十年兄弟一朝生別離鴈行長已矣馬足遠何之塋骨
知無地論心更有誰親喪君自盡猶子是吾兒

感傷

地維傾渤澥天柱折崑崙清夜爲揮淚白雲空斷魂死生
蘇子節貴賤翟公門高廟神靈在乾坤付不言

自歎

海闊南風慢天昏北斗斜孤臣傷失國遊子歎無家官飯
身如寄征衣鬢欲華越王臺上望家國在天涯

虎頭山

蚤不逃秦帝終然陷楚囚故園春草夢舊國夕陽秋妾婦
生何益男兒死未休虎頭山下路揮淚憶虔州

高沙道中

道逢死人骨委積萬有千魂魄侵蠅蚋膏脂飽烏鳶使我

先朝露其事亦復然丈夫竟如此吁嗟彼蒼天古人擇所
趨肯蹈不測淵柰何以遺體糞土同棄捐初學蘇子卿終
慕魯仲連求仁而得仁寧死溝壑填自古皆有死死不污
腥羶秦客載張祿吳人納伍員季布疑在魯樊期托於燕
國士急人病倜儻何拘攣伊人莫知我此恨付重泉

戰場

三年海嶠擁貔貅一日蹉跎白盡頭垓下雌雄羞故老長
安咫尺泣孤囚魚龍沸海地爲泣烟雨蒲山天也愁萬死
小臣無足憾蕩陰誰共侍中遊

哭崖山

寶藏如山席六宗樓船千疊水晶宮吳兒進退尋常事漢
氏存亡頃刻中諸老丹心付流水孤臣血淚洒南風早來
朝市今何處始悟人間萬法空

上塚吟

湘人有登科者初授武岡尉單車赴官守名家正擇婿
尉本有室隱其實而取焉官滿隨婦翁入京自是捨棄
梓去墳墓終身不歸後官至侍從其糟糠妻居毋家不
復嫁歲時爲夫家上塚婦禮不廢友人作古詩一首曰
上塚吟某讀之爲之感慨因更廣其意賦五言一篇

余昔從君時上堂拜姑嫜相携上祖塚歲時持酒漿姑嫜

相繼沒馬鬣不在御共君甌孟飯清涕流襦裳君貧初赴
官有家不得將妾無應書兒松檟自成行君別不復歸歲
月何茫茫長安擁朱綬執鴈事侯王豈無一紙書道路阻
且長年年酌寒食妾心良自傷君家舊巾櫛至今襲且截
諒君霜露心白首遙相望

塋無主墓碑

風雨中見道傍一碑題云塋無主墓之記乃大定戊申
所立雨衣淋漓字畫漫滅惜不得下馬讀之

路逢一石碑亭亭傲風雨停驂髮髯看云是無主墓末書
戊申歲屈指九十秋是時龍渡江甲子恍一周借問墓者

誰承平百世祖亦有周餘民戰骨委黃土大祖下江南誓
不戮一人神孫再立國天以報至仁大河流血卅屠毒誰
之罪潼關忽不守皇皇依汴蔡螳螂知捕蟬不知黃雀來
今古有興廢重為生人哀

邳州哭母小祥

我有母聖善鸞飛星一周去年哭海上今年哭邳州遙想
仲季間木主布遮几我躬已不閱祀事付支子使我早淪
落如此終天何及今畢親喪於分亦已多母嘗教我忠我
不違母志及泉會相見鬼神共歡喜

哭母大祥

九月七日先母夫人大祥之辰某爲子不孝南望嗚咽

爲哀章一首

前年惠州哭母歛去年邗州哭母暮今年飄泊在何處燕
山嶽裏菊花時哀哀黃花如昨日兩度星周俄箭疾人間
送死一大事生兒富貴不得力祇今誰人守墳墓零落瘴
鄉一堆土大兒狼狽勿復道下有二兒并二女一兒一女
亦在燕佛廬設供捐金錢一兒一女家下祭病脫麻衣日
晏眠夜來好夢歸故國忽然海上見顏色一聲鷄叫淚滿
床化爲清血衣裳濕當年娶緯意謂何親曾撫我夜枕戈
古來全忠不全孝世事至此甘滂沱夫人開國分齊魏生

開

祭死哀送天地悠悠國破與家亡平生無憾惟此事二即
已作門戶謀江南塋母麥滿舟不知何日歸兄骨狐死猶
應正首丘

哭妻文

烈女不嫁二夫忠臣不事二主天上地下惟我與汝嗚呼
哀哉

先太師忌日

太師忌汗漫二紀似跳丸弟妹俱成立家鄉忍破殘衣冠
晨月暗墳墓夜風寒萬里逢先忌無言把淚彈

告先太師墓文

維己卯五月朔越二十有六日孝子某自嶺被執至南安軍謹具香幣遣人馳告于先太師革齋先生墓下嗚呼人誰不爲臣而我欲盡忠不得爲忠人誰不爲子而我欲盡孝不得爲孝天乎使我至此極耶始我起兵赴難勤王仲弟將家遁于南荒宗廟不守遷我異疆大臣之誼國亡家亡靈武師興解后歸國再相出督身荷憂責江南之役義聲四克爲親拜墓以剪荆棘大勲垂集一跌崎嶇妻妾子女六人爲俘收拾散亡息于海隅庶幾奮厲以爲後裔惡運推遷天所廢棄有母之喪尋失嫡子哭泣未乾兵臨其壘倉皇之間二女夭逝剪爲囚虜形影獨存仰藥不濟竟

開

北其輟繫頸繫足過我里門望墓相從恨不九原爰指松
楸有言若誓繼令支子實典祀事有姪曰昇我身是嗣興
言及此血淚如雨嗚呼自古危亂之世忠臣義士孝子慈
孫其事之不能兩全也久矣我生不辰罹此百凶求仁得
仁抑又何怨幽明死生一理也父子祖孫一氣也冥漠有
知尚哀鑒之

余始至南安軍即絕粒爲告墓文遣人馳歸白之祖
禰瞑目長往含笑入地矣乃水盛風駛五日過廬陵
又二日至豐城知所遣人竟不得行余至是不食垂
八日若無事然私念死廬陵不失爲首丘今心事不

達委命荒江誰知之者盍少從容以就義乎復飲食
如初因記左傳申包胥哭秦庭七日勺飲不入口不
聞有他廼知餓踣西山非一朝夕之積也余嘗服腦
子二兩不死絕食八日又不死未知死何日死何所
哀哉

已卯十月一日至燕越五日罹挫犴有感而賦七首

一

直絃不似曲如鈎自古聖賢多被囚命有死時名不死身
無憂處道還憂可憐杜宇空流血惟願嚴顏便斫頭結束
長編猶在此竈間婢子見人羞

開

二

落落南冠自結纓
柝楊卧起影縱橫
坐移白石知何世
夢斷青燈問幾更
國破家亡雙淚暗
天荒地老一身輕
黃梁得失俱成幻
五十年前元未生

范曄在獄中為士題扇云去白日之皎皎即長夜之悠悠

三

心期耿耿浮雲上
身事悠悠落日西
千古興亡何限錯
百年生死本來齊
沙邊莫待哀黃鵠
雪裏何須問牧羝
此處曾埋雙寶劍
虹光夜指楚天低

四

寥陽殿上步黃金
一落顛崖地獄深
蘇武窖中偏喜卧
劉

文山全集 卷之三十一
現囚裏不妨吟生前已見夜叉面死去只因菩薩心萬里
風沙知己盡誰人會得廣陵音

五

亦知憂憂楚囚難無奈天生一寸丹鐵馬行塵南地熱赭
衣坐擁北庭寒朝餐淡薄神還爽夜睡崎嶇夢自安亡國
大夫誰爲傳祗饒野史與人看

六

風雪重門老楚囚夢回長夜意悠悠熊魚自古無雙得鵠
雀如何可共謀萬里山河真墮甌一家妻子枉填溝兒時
愛讀忠臣傳不謂身當百六秋

開

七

聽着啼鶻淚滿襟
國亡家破見忠臣
關河瀝落三生夢
風雪飄零萬死身
丞相豈能堪獄吏
故侯安得作園人
神農虞夏吾誰適
回首西山繼絕塵

八

風前泣燈影
日下泣霜花
鍾信忽然動
屋陰俄又斜
悶中聊度歲
夢裏尚還家
地獄何須問
人間見夜叉

九

風霜陰忽忽
天地澹悠悠
我自操吳語
誰來問楚囚
寂中惟滅想
達處盡忠憂
手有常編在
朝聞夕死休

十

環堵塵如屋纍然一故吾解衣烘稚蝨勻鐮救殘鬚坐處

心如忘吟餘眼已枯不應留滯久何日裹籩簪

吳殺諸葛謹以籩簪

裹而棄之

十一

浩劫風塵暗衣冠痛百罹靜傳方外學晴寫獄中詩烈士
惟名殉真人與物違世間忙會錯認取去來時

十二

儼然楚君子一日造王庭議論探堅白精神入汗青無書
求出獄有舌到臨刑宋故忠臣墓真吾五字銘

開

十三

兩月縲囚裏一年憂患餘踈因隨事直忠故有時愚道在身何拙心安躰自舒近來都勘破人世只邊廬

十四

衮衣坐縲紲世事亦堪哀枕外親炊黍爐邊細畫灰無人淚垂血何地骨生苔風雪江南路夢中行探梅

十五

我自憐人醜人方笑我愚身生豫讓癩背發范增疽已愧功臣傳猶堪烈士書衣冠事至此命也欲何如

十六

文山全集 卷之十五 九
久矣忘榮辱今茲一死生理明心自裕神定氣還清欲了
男兒事幾無妻子情出門天宇闊一笑暮雲橫

十七

珙璧衣冠十六傳更無一士死君前自慚重趙非九鼎猶
幸延韓更數年孟博囊頭真自愛杲卿鈎舌要誰憐人間
信有綱常在萬古西山皎月懸

和夷齊西山詞

詞曰登彼西山兮採其薇矣以仁易暴兮不知其非矣
神農虞夏忽然沒兮我安適歸矣吁嗟徂兮命之衰矣
後二千餘年某迺倚歌而和之曰

開

小雅盡廢兮出車采薇矣戎有中國兮人類熄矣明王不興兮吾誰與歸矣抱春秋以沒世兮甚矣吾棄矣

又從而歌之曰

彼美人兮西山之薇矣北方之人兮爲吾是非矣異域長絕兮不復歸矣鳳不至兮德之衰矣

十二月二十日作

家國哀千古星霜忽一周黃沙漫故道白骨委荒丘許遠死何晚李陵生自羞南來冠不改吾且任吾囚

二十四日

俗云小
年夜

壯心負光岳病質落幽燕春節前三日江鄉正小年歲時

如有水風俗不同天家廟荒苔滑誰人燒紙錢

立春

巳卯十二月二十六日

無限斜陽故國愁朔風吹馬上幽州天翻地覆三生劫
晚江空萬里囚烈士喪元端不惜達人知命復何憂
祗應四十二年死兩度無端見土牛

遇靈陽子談道贈以詩

昔我愛泉石長揖離公卿結屋青山下咫尺蓬與瀛
至人不可見世塵忽相纓業風吹浩劫蝸角爭浮名
偶逢大呂翁如有宿世盟相從語廖廓俯仰萬念輕
天地不知老日月交其精人一陰陽性本來自長生
指點虛無間引我歸

開

員明一針透頂門道骨由天成我如一逆旅又欲躡躑行
聞師此妙訣遽廬復何情

歲祝犁單闕月赤奮若日焉逢滯灘遇異人指示
以太光明正法於是死生脫然若遺矣作五言八
句

誰知真患難忽悟大光明日出雲俱靜風消水自平功名
幾滅性忠孝大勞生天下惟豪傑神仙立地成

巳卯歲除

歲除破衣裳夜半刺針線遊子長夜思佳人不可見草枯
稚驢吼燈暗饑鼠現深室閉星斗輕裘卧風霰大化忽流

文山全集 卷之五
幹浩劫蕩回轉冠履失其位侯王化畸賤弓戈叱奇字刀
鋸摧頰弁至性詎可遷微軀不足戀真人坐冲漠死生一
乘傳日月行萬古神光索九縣

右自己卯十月一日至歲除所賦當時望旦夕死不
自意蹉跎至今詩凡二十餘首明日爲商橫執徐歲
不知又當賦若干首而後絕筆云己卯除日姓某題

元日

庚辰歲

鐵馬風塵暗金龍日月新衣冠懷故國鼓角泣離人自分
流年晚不妨吾道春方來有千載兒女枉悲辛

庚辰四十五歲

開

東風昨夜忽相過
天地無情柰老何
千載方來那有盡
百年未半已爲多
君傳南海長生藥
我愛西山餓死詩
泡影生來隨自在
悠悠不管世間魔

感興

萬里雲山斷客魂
浮雲心事向誰言
月侵鄉夢夜推枕
風送牢愁晝掩門
蘇子窖中閑日月
石郎家裏舊乾坤
朝聞夕死吾何恨
坐把春秋子細論

正月十三日

去年今日遁崖山
望見龍舟咫尺間
海上樓臺俄已變
河陽車駕不須還
可憐紙乳煙橫塞
空想鶻啼月掩關
人世

流光忽如此東風吹雪鬢毛斑

上元懷舊

禁門三五金吾夜回首青春忽二毛池上昔陪王母宴斗
中今直貴人牢風生江海龍遊遠月滿關山鶴唳高夢到
鈞天燈火鬧依然彩筆照官袍

讀史

自古英雄士還為薄命人孔明登四十韓信過三旬壯志
催龍虎高詞泣鬼神一朝事千古何用怨青春

感傷

家國傷水泮妻孥歎陸沉半生遭萬劫一落下千尋各任

開

如曹命那知吾輩心人誰無骨肉恨與海俱深

遣興

一落顛崖不自由春風相對說牢愁稚驢黑月光中吼
鼠青燈影下游豈料乾坤成墮甌始知身世是虛舟
遙憐海上今塵土前代風流不肯休

又

東風吹草日高眠試把平生細問天燕子愁迷江右月
杜鵑聲破洛陽烟何從林下尋元亮只向塵中作魯連
莫笑道人空打坐英雄收歛便神仙

四月八日

今朝浴佛舊風流身落山前第一州
贛上瑤桃俄五稔海中玉果已三周
人生聚散真成夢世事悲懽一轉頭
坐對薰風開口笑滿懷耿耿復何求

夜起

夢破東窓月半明此身雖在只堪驚
一春花裏離人淚萬里燈前故國情
龍去想應回海鳥鴈飛猶未出江城
客愁多似西山雨一任蕭條白髮生

端午感興

千金鑄鏡百神愁功與當年禹服侔
荆棘故宮魑魅走空餘楊子水東流

又

當年忠血墮讒波千古荆人祭汨羅風雨天涯芳草憂江山如此故都何

又

流棹西來恨未銷魚龍寂寞暗風潮楚人猶自貪覓戲江上年年奪錦標

見艾有感

過眼驚初夏回頭憶晚春已憐花結子又見艾爲人故國丹心老中原白髮新靈修那解化清夢楚江濱

自歎

綠槐雲影弄黃昏月照牢愁半掩門一片心如千片碎十
分鬢有二分存沙邊黃鵠長回首江上杜鵑空斷魂監子
溷人漫不省紅纓白馬意軒軒

自遣

詩餘眠白日飲後坐清風萬事乘除裏平生寵辱中心無
隨境變意自與天通莫笑邯鄲夢惺惺更是空

自述

赤舄登黃道朱旗上紫垣有心扶日月無力報乾坤往事
飛鴻渺新愁落照昏千年滄海上精衛是吾魂

不睡

開

終夕起推枕五更聞打鍾精神入朱鳥形影落盧龍弭節
蓬萊島揚旗大華峰奔馳竟何事回首謝喬松

七夕

大地風塵惡長天歲月奔憂來渾是感夢破與誰言緹鶴
空回首河牛暗斷魂吾今拙又拙無復問天孫

有感

石郎草草割山川一落人手三百年八州風雨暗連天三
皇五帝如飛煙人人野祭伊水邊春秋斷爛不復傳白頭
潦倒今魯連夜深危坐日晏眠

聞季萬至

文山全集 卷之五
去年別我旋出嶺今年汝來亦至燕弟兄一囚一乘馬同
父同母不同天可憐骨肉相聚散人間不滿五十年三仁
生死各有意悠悠白日橫蒼煙

有感

丁丑歲八月十七日家人陷今恰三周而予在行既十
閱月矣有感而賦

平生心事付悠悠風雨燕南老楚囚故舊相思空萬里妻
孥不見滿三秋絕憐諸葛隆中意贏得子長天下遊一死
皎然無復恨忠魂多少暗荒丘

感懷

開

已卯八月二十四日予以楚囚發金陵十月一日至燕
越五日罹挫犴今爲庚辰中秋後九日感懷四十字

去歲趨燕路今晨發楚津浪名千里客剩作一年人鏡裏
秋容別燈前暮影親魯連疑未死聊用托芳塵

重陽庚辰

飄零萬里若爲家一夜西風吹髮華祇有新詩題甲子更
無故舊對黃花

又

江南秋色滿梧桐回首青山萬事空怕見鏡中新白髮長
將破帽裹西風

又

風捲車塵弄曉寒
天涯流落寸心丹
去年醉與茱萸別
不
把今年作健看

已卯十月一日予入燕城歲月冉冉忽復周星而
予猶未得死也因賦八句

去冬陽月朔吾始至幽燕浩劫真千載浮生又一年
天南照天北山後接山前
夢裏乾坤老孤臣
雪咽瓊

已卯十月五日予入燕獄今三十有六旬感興一

首

石晉蘄燕趙鍾儀新楚囚
山河千古痛風雨一年周
過鴈

開
ka

催人老寒花送客愁捲簾雲滿座抱膝意悠悠

去年十月九日余至燕城今周星不報為賦長句
君不見常山太守罵羯奴天津橋上舌盡剗又不見睢陽
將軍怒切齒三十六人同日死去冬長至前一日朔庭呼
我弗為屈丈夫開口即見膽意謂生死在頃刻赭衣冉冉
生蒼苔書雲時節忽復來鬼影青燈照孤坐夢啼死血丹
心破只今便作渭水囚食粟已足西山羞悔不當年跳東
海空有魯連心獨在

冬至

書雲今日事夢破曉鳴鐘家禍三生劫年愁兩度冬江山

乏小草霜雪見孤松春色蒙泉裏煙蕪幾萬重

冬晴

北國天寒少南方地氣來年光如箭去世事正輪迴可恠
新祈雪相思又別梅夜闌燈坐暗獨自撥殘灰

自歎

可憐大流落白髮魯連翁每夜瞻南斗連年坐北風三生
遭際處一死笑談中贏得千年在丹心射碧空

戊寅臘月二十日空坑敗被執于今二周年矣感
懷八句

橫磨十萬坐無謀回首蹉跎海上州太傅只圖和藥了將

軍便謂斫頭休乾坤顛倒真千劫身世留連復一周一死
到今如送佛空牕淡月夜悠悠

所懷

萬里青山兩鬢華老臣無國又無家乾坤局促籠中鳥風
雪飄零糞上花歲晚江空人已逝天寒日短路何賒書生
不作網常計聞是東門已種瓜

除夜

庚辰

門揜千山黑孤燈伴不眠故鄉在何處今夕是窮年佳世
真無係爲囚已自然勞勞空歲月得死似登仙

又

歲暮難為客天涯况是囚乾坤還許大歲月忽如流夢過
元無夢憂多更不憂廢蘇兒女態肯作百年謀

元日 辛巳

金虬銜日出鐵騎勒春回天上青門隔人間白髮催霜寒
欺舊草山晚放新梅環堵甘牢落東風枉却來

又

慙愧雲臺客飄零雪滿氈不圖朱鳥影猶見白蛇年宮殿
荒烟隔門庭宿草連乾坤自春色回首一潸然

初六日即事

車馬燕山鬧誰家早管絃開門忽見雪擁被不知年篋破

開

書猶在爐殘火復燃偷桃昨日事回首哭堯天

人日

今年爲蛇年此日是人日江右一龍鍾山中舊佔畢獨坐
守大玄一笑發狂疾悠悠王正意衰涕感麟筆

自歎

功業羞前輩形骸感故吾屢判嵇紹血幾無慶公鬚落落
惟心在蒼蒼有意無江流總遺淚何止失吞吳

元夕

燈火喧三市衣冠宴九宸金吾不禁夜公子早行春夢斷
青山遠愁侵白髮新燕山今夕月清影伴孤臣

又

飄零竟如此元夕幾堪憐南國張燈火燕山沸管絃相思
雲萬里剩看月三年笑與東風道浮生信偶然

文山先生全集卷之十五終

開

ka hwa libr

圖

書

開化圖書館

Kaichua library

開化圖書館

Kaichua library

開化圖書館

kaikwa library

開化圖書館

Kaichwa Library

Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17

Inches




文山先生全集

八

開元圖書館
Kaiyuan Library

關化圖書館
Kuanhua Library



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color